

Ta bira tempo pa Boshi Wever stop di falsifica cos

ORANJESTAD(AAN) -- Parlamentario Tico Croes a señala cu e cita di Boshi Wever den su articulo reciente no ta forma parti at all di e proyecto di acuerdo manera e tabata concipia.

Segun Croes, loke Boshi Wever a cita probablemente tabata origina for di e carta di agradecimento y follow-up cu a manda e vice-ministro di pesca di Venezuela y cu e deseo pa concretiza e proyecto di Starkist.

Croes a enfatisa cu: "Ta bira tempo pa Boshi Wever stop di

falsifica cos".

Contrario na e forma prudente y bon studia cu a trata e asunto di un posible acuerdo cu Venezuela bao Gabinete Eman, por constata con un Ministro di Gabinete Oduber, pura pura a duna un permiso verbal pa pisca cabaron den awanan di Aruba.

Segun Croes, no a stipula ningun condicion of exigencia y a hacie contra tur conseho di e departamentonan involvi.

Croes a enfatisa cu si Boshi Wever ta asina interesa den e asunto aki, e mes por investiga ta

cual ta e compania di abogadonan cu a representa e compania estranhero cu a pidi e permiso pa pisca den awanan di Aruba y ken ta e Ministro cu a duna e permiso verbal aki, contra tur conseho.

Croes a bisa cu el a bay den extenso ariba e asunto aki pa asina coregi e language di falsedad y insinceridad cu Boshi Wever y Richard Eman atrobe a purba tira ariba mi persona y Gabinete Eman.